



SLUŽBENE NOVINE OPĆINE ZENICA

GODINA XXXIX
Broj 8

Utorak, 31.12.2013. godine

ISSN 1840-4588

VIJEĆE OPĆINE

83.

Na osnovu člana 22. i 116. Statuta Općine („Službene novine općine Zenica“, broj: 4/08), a u vezi sa članom 21. Zakona o budžetu Federacije BiH („Službene novine Federacije BiH“, broj: 19/06, 76/08, 5/09, 32/09, 51/09, 9/10, 36/10, 45/10 i 25/12) na prijedlog Načelnika općine Zenica, Vijeće općine Zenica na 13. sjednici održanoj 26. decembra 2013. godine, donosi

ODLUKU O PRIVREMENOM FINANSIRANJU OPĆINE ZENICA ZA PERIOD JANUAR –MART 2014. GODINE

Član 1.

Ovom odlukom utvrđuje se iznos privremenog finansiranja općine Zenica za period januar – mart 2014. godine, do donošenja Budžeta za 2014. godinu.

Član 2.

Privremeno finansiranje općine Zenica za period iz člana 1. ove odluke utvrđuje se u iznosu od 7.920.000,00 KM (slovima: sedam miliona devetstodvadeset hiljada KM) i predstavlja ukupan prihod i rashod za period utvrđen u članu 1. ove odluke, a sastoji se od:

I PRIHODI OPĆINE

PRIHOD	IZNOS KM	% UČEŠĆA
Prihodi od poreza	4.640.000,00	58,58
- Direktni porezi	1.890.000,00	23,86
- Indirektni porezi	2.745.000,00	34,66
- Ostali porezi	5.000,00	0,06
Neporezni prihodi	2.980.000,00	37,63

PRIHOD	IZNOS KM	% UČEŠĆA
- Prihodi od nefinansijskih javnih preduzeća i finansijskih javnih institucija	180.000,00	2,27
- Administrativne takse	120.000,00	1,52
- Komunalne takse	690.000,00	8,71
- Ostale budžetske naknade	1.640.000,00	20,71
- Posebne naknade i takse	260.000,00	3,28
- Prihodi od pružanja javnih usluga (prihodi od sopstvenih djelatnosti)	80.000,00	1,01
- Ostali neporezni prihodi	10.000,00	0,13
Primljeni tekući transferi	100.000,00	1,26
Primici	200.000,00	2,53
U K U P N O	7.920.000,00	100,00

II RASHODI OPĆINE

RASHOD	IZNOS KM	% UČEŠĆA
Tekući rashodi	2.550.000,00	32,20
- Plaće i naknade troškova zaposlenih	1.890.000,00	23,87
- Doprinosi poslodavca i ostali doprinosi	180.000,00	2,27
- Izdaci za materijal i usluge	450.000,00	5,68
- Nabavka stalnih sredstava	30.000,00	0,38
Izdaci za posebne namjene	5.370.000,00	67,80
- Izdaci za materijal i usluge	2.300.000,00	29,04
- Tekući transferi	1.590.000,00	20,08
- Kapitalni transferi	550.000,00	6,94

RASHOD	IZNOS KM	% UČEŠĆA
- Izdaci za kamate i ostale naknade	300.000,00	3,79
- Nabavka stalnih sredstava	480.000,00	6,06
- Otplate dugova	150.000,00	1,89
U K U P N O	7.920.000,00	100,00

Član 3.

Izdaci za inostrane kamate- troškovi na povučeni iznos kredita od Saudijskog fonda za razvoj, realizuje se u skladu sa Kreditnim sporazumom projekat glavne gradske magistrale u Zenici između Saudijskog fonda za razvoj i Bosne i Hercegovine- kredit broj: 3/539 ("Službeni glasnik BiH- Međunarodni ugovori" br: 2/12) i instrukcijama Federalnog ministarstva finansija, a na osnovu Podugovora o kreditu, broj: 08-14-4260/11 od 10.02.2012. godine, zaključenog između Federacije BiH koju zastupa Federalno ministarstvo finansija/financija i Općine Zenica.

Član 4.

Kamate na domaće pozajmljivanje, kao i otplate domaćeg pozajmljivanja realizovat će se u skladu sa Ugovorom o dugoročnom kreditu zaključenim sa bankom i otplatnim planom.

Član 5.

Izdvajanja sredstava za grantove pojedincima i neprofitnim organizacijama i za transfere za rad javnih ustanova, javnih preduzeća i organizacija, vršit će se na osnovu odluka i drugih akata, koje na prijedlog nadležne službe donosi Načelnik općine.

Budžetski korisnici ne mogu započeti nove ili proširene programe i aktivnosti dok se ne donese Budžet općine Zenica za 2014. godinu.

Član 6.

Namjenske doznake sredstava od višeg nivoa vlasti (Federacija i Kanton) i ostalih će se trošiti za namjene za koje su i odobrene, a u skladu sa Odlukom, zaključcima i drugim aktima, na osnovu kojih su i doznačena sredstva na račun Budžeta općine.

Član 7.

Vijeće općine će do isteka roka za privremeno finansiranje donijeti Budžet općine Zenica za 2014. godinu, u koji će biti inkorporirana ova odluka.

Član 8.

Ova odluka stupa na snagu danom objavljivanja u „Službenim novinama općine Zenica“, a primjenjivat će se od 01.01.2014. godine.

Broj: 01-14-22656/13

Zenica, 26.12.2013. god.

**PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.**

84.

Na osnovu člana 22. Statuta općine Zenica ("Službene novine općine Zenica", broj: 4/08) i člana 37. Poslovnika Vijeća općine („Službene novine općine Zenica”, broj: 2/10), a u vezi sa članovima 29. i 72. Zakona o socijalnoj zaštiti, zaštiti civilnih žrtava rata i zaštite porodice sa djecom („Službene novine ZE-DO kantona“ broj: 13/07) Vijeće općine Zenica na 13. sjednici održanoj 26. decembra. 2013. godine, donijelo je

O D L U K U**O SUBVENCIONIRANJU TROŠKOVA
GRIJANJA****I Opće odredbe****Član 1.**

Ovom Odlukom utvrđuje se pravo na subvencioniranje troškova grijanja, korisnici prava, uslovi za ostvarivanje prava, postupak za ostvarivanje prava, sredstva za finansiranje, kao i druga pitanja od značaja za ostvarivanje prava na subvencije troškova grijanja u sezoni 2013/2014 godini.

Član 2.

1. Troškovi grijanja u smislu ove Odluke su:

- troškovi zagrijavanja stambenog prostora toplotnom energijom iz sistema centralnog grijanja kojim upravlja JP «Grijanje» Zenica (u daljem tekstu: centralno grijanje)
- troškovi zagrijavanja stambenog prostora alternativnim izvorima toplotne energije: drvo, ugalj, plin, nafta i sl., (u daljem tekstu: alternativno grijanje).

2. Troškovima grijanja, u smislu odredbe prethodnog stava, smatraju se troškovi nastali u sezoni grijanja koja se računa od 15.10.2013. godine do 15.04.2014. godine, ako se plaćanje troškova grijanja vrši u 6 mjesečnih rata, odnosno od 01.07.2013. do 30.06.2014. godine, ako se plaćanje troškova grijanja vrši u 12 mjesečnih rata.

II Obim prava na subvencioniranje troškova grijanja

Član 3.

- 1) Subvencioniranje troškova grijanja (u daljem tekstu: subvencija) u smislu ove Odluke je pravo na subvenciju troškova:
- 100% iznosa mjesečnih računa za usluge centralnog grijanja,
 - 50% iznosa mjesečnih računa za usluge centralnog grijanja i
 - alternativnog grijanja u jednokratnom iznosu od 200,00 KM.
- 2) Računom centralnog grijanja u smislu odredbe stava 1. ovoga člana smatra se račun JP «Grijanje» Zenica.

III Korisnici prava na subvenciju

Član 4.

Pravo na subvencije u smislu ove odluke može ostvariti osoba koja u periodu utvrđenim u čl. 2.(2). koristila ili koristi pravo na stalnu novčanu pomoć kod JU Centar za socijalni rad Zenica.

Član 5.

Korisnici stalne novčane pomoći kod JU Centar za socijalni rad Zenica, nastanjeni u naselju Kamp Putovići, za koje Općina Zenica plaća električnu energiju, ne ostvaruju pravo na subvenciju na alternativno grijanje iz člana 3. Odluke.

IV Pravo i uslovi za ostvarivanje prava na subvenciju troškova grijanja

Član 6.

- 1) Osoba iz člana 4. ove odluke može ostvariti pravo na:
- Subvenciju troškova centralnog grijanja u izno-

su od 100% mjesečnog računa ako:

- živi sam u vlastitom stanu površine do 40 m² ili
- ima višečlano domaćinstvo koje živi u stanu površine do 55 m².

b) Subvenciju troškova centralnog grijanja u iznosu od 50% mjesečnog računa ako:

- živi sam u vlastitom stanu površine preko 40 m² ili
- ima višečlano domaćinstvo koje živi u njegovom stanu površine preko 55 m²,

c) Subvenciju troškova alternativnog grijanja u jednokratnom iznosu od 200,00 KM, ako sam ili sa članovima svoga domaćinstva živi u vlastitom stanu koji nije uključen u sistem zagrijavanja centralnim grijanjem, bez dokazivanja drugih uslova.

2) Vlastitim stanom u smislu stava 1. ovoga člana smatra se:

- stan na kojem korisnik prava na stalnu novčanu pomoć može uvjerenjem ZK ureda ili Katastra Zenica dokazati vlasništvo ili posjed,
- stan na kojem korisnik prava na stalnu novčanu pomoć može rješenjem nadležnog organa dokazati pravo korišćenja i
- stan u kojem kao član domaćinstva živi korisnik prava na stalnu novčanu pomoć.

3) Površinom stana u smislu stava 1. ovoga člana smatra se površina stana iskazana u računima za naplatu usluga centralnog grijanja izdatog od JP „Grijanje“ Zenica.

4) Korisnici su dužni prijaviti svaku nastalu promjenu koja je od uticaja za ostvarivanje ovoga prava u roku od 15 dana od dana nastanka promjene.

Član 7.

Prava iz ove odluke su lična, neprenosiva i mogu se koristiti samo po jednom osnovu.

V Postupak za ostvarivanje prava na subvencije

Član 8.

- 1) Postupak za ostvarivanje prava na subvenciju troškova grijanja po ovoj odluci po službenoj dužnosti

- vodi JU Centar za socijalni rad Zenica (Centar).
- 2) O pravu po ovoj odluci Centar rješava donošenjem rješenja, spajanjem predmeta u jedan. Rješenje se donosi u skraćenoj formi, bez obrazloženja, korištenjem tabelarnog prikaza podataka o licima kojima se priznaje pravo (ime i prezime korisnika, jedinstveni matični broj korisnika, adresu korisnika i telefon korisnika, površina stana, mjesečni iznos subvencije, period subvencioniranja), a za lica čiji su zahtjevi odbijeni, navode se samo imena i prezimena.
 - 3) Rješenja iz stava 2. ovoga člana objavljuju se na oglasnoj tabli Centra, i ne dostavljaju se posebno korisnicima prava ili licima čiji su zahtjevi odbijeni. Rješenja postaju pravosnažna osmog dana nakon stavljanja na oglasnu tablu.
 - 4) Pravosnažno rješenje kojim su utvrđena prava na subvenciju troškova centralnog grijanja Centar prosljeđuje JP «Grijanje» Zenica, a rješenje kojim je utvrđeno pravo na subvenciju troškova alternativnog grijanja prosljeđuje Službi za društvene djelatnosti i socijalnu zaštitu, uz obračun sredstava i zahtjev za isplatu utvrđenih prava.
 - 5) JP „Grijanje“ Zenica za korisnike, prema dostavljenim pravosnažnim rješenjima, mjesečno Centru ispostavlja obračun, koji će se isplaćivati iz budžeta Općine sa posebnog transakcijskog računa za JU Centar za socijalni rad Zenica, broj:134-010-0000 357953 otvoren kod Investiciono-komercijalne banke dd Zenica.
 - 5) Iz budžeta Općine Zenica će se za korisnike koji su ostvarili pravo na subvenciju alternativnog grijanja vršiti isplata jednokratne pomoći iz budžeta Općine sa posebnog transakcijskog računa za JU Centar za socijalni rad Zenica, broj:134-010-0000 357953 otvoren kod Investiciono-komercijalne banke dd Zenica, na račune korisnika u zakonskom roku.

VI Sredstva za realizaciju

Član 9.

- 1) Finasijska sredstva za realizaciju ove odluke obezbjeđuju se u Budžetu općine Zenica za 2013. i 2014. godinu.
- 2) Materijalne troškove za izvršenje ove odluke Centar planira u okviru svog godišnjeg finasijskog plana.
- 3) Korisnici prava po ovoj Odluci sami snose troškove koje prouzrokuju u postupku ostvarivanja i korištenja prava .

VII Završne odredbe

Član 10.

Za realizaciju ove Odluke zadužuju se:
 JU Centar za socijalni rad Zenica
 Služba za društvene djelatnosti i socijalnu zaštitu,
 Služba za budžet i finansije i
 JP «Grijanje» Zenica.

Član 11.

Ova Odluka stupa na snagu danom donošenja i objavit će se u Službenim novinama općine Zenica.

Broj: 01-01-22659/13

Datum: 26.12.2013. godine

**PREDSJEDAVAJUĆI
 VIJEĆA OPĆINE ZENICA
 Nebojša Nikolić, s.r.**

85.

Na osnovu člana 60. Zakona o plaćama i naknadama u organima vlasti Federacije Bosne i Hercegovine (“Službene novine FBiH“, br: 45/10 i 111/12) i člana 22. stav 1. tačka 29. Statuta Općine Zenica (“Službene novine općine Zenica“, broj: 4/08), Vijeće Općine Zenica na 13. sjednici održanoj dana 26.decembra 2013. godine **d o n i j e l o j e**

O D L U K U

O PLAĆAMA I NAKNADAMA PLAĆA ZAPOSLENIKA OPĆINSKIH ORGANA ZENICA

I – OPĆE ODREDBE

Član 1.

Ovom Odlukom se uređuju plaće, naknade i druga primanja, te utvrđuju platni razredi i koeficijenti za plaće Načelnika Općine, predsjedavajućeg Vijeća ako funkciju obavlja profesionalno, Općinskog pravobranioca i zamjenika pravobranioca, savjetnika Načelnika, državnih službenika i namještenika u općinskoj upravi Zenica (u daljem tekstu: zaposlenici).

Gramatička terminologija u pogledu korištenja muškog ili ženskog roda za pojmove u ovoj Odluci uključuje oba roda.

Član 2.

Pri određivanju iznosa plaća i naknada za zaposlene,

poštivat će se načela utvrđena Zakonom o plaćama i naknadama u organima vlasti Federacije Bosne i Hercegovine (u daljem tekstu: Zakon).

Finansijska sredstva za plaće, naknade i druga primanja predviđena ovom odlukom planiraju se i osiguravaju u Budžetu Općine (u daljem tekstu: Budžet).

II – OSNOVNA PLAĆA

- Način utvrđivanja osnovice za obračun plaće

Član 3.

U Općini se primjenjuje osnovica za obračun plaće utvrđena na način propisan Zakonom.

Osnovicu za obračun plaće utvrđuje svojim aktom Načelnik Općine na osnovu najniže mjesečne neto satnice dogovorene sa sindikatom.

Najniža mjesečna neto satnica predstavlja iznos koji se dobije dijeljenjem utvrđene osnovice sa fondom radnih sati za obračunski period.

Osnovica iz stava 1. i 2. ovog člana utvrđuje se prije donošenja budžeta za narednu fiskalnu godinu, a primjenjuje se od 1. januara za svaku narednu godinu.

Osnovica za obračun plaće će se usklađivati sa raspoloživim sredstvima predviđenim budžetom za ove namjene, s tim da ista ne može biti veća od osnovice utvrđene na federalnom nivou.

Ukoliko se ne postigne dogovor iz stava 2. ovog člana, ostaje na snazi ranije dogovorena osnovica.

- Elementi za utvrđivanje osnovne plaće

Član 4.

Zaposlenik ima pravo na osnovnu plaću koja odgovara njegovom radnom mjestu na koje je postavljen.

Osnovna plaća se utvrđuje množenjem osnovice sa utvrđenim koeficijentom platnog razreda.

Iznos osnovne plaće uvećava se za 0,5% za svaku započetu godinu penzijskog staža zaposlenika, a najviše do 20%.

Osnovna plaća ne može biti manja od 70% prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.

U slučaju da osnovna plaća iznosi manje od 70% prosječne plaće, zaposleniku će se isplatiti plaća u

navedenom postotku.

Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

Ukoliko zaposlenik radi sa nepunim radnim vremenom, u skladu sa posebnim zakonom ili drugim propisima, osnovna plaća se određuje srazmjerno vremenu provedenom na radu.

Puno radno vrijeme zaposlenih je 40 sati sedmično.

Član 5.

Za sve zaposlenike iz člana 1. ove Odluke utvrđuju se platni razred i pripadajući koeficijent za obračun plaće.

- Vrijeme ostvarivanja prava na plaću

Član 6.

Načelnik Općine ostvaruje pravo na plaću danom stupanja na dužnost.

Ukoliko funkciju obavlja profesionalno, predsjedavajući Vijeća pravo na plaću ostvaruje u skladu sa odlukom Vijeća o profesionalnom obavljanju funkcije u periodu trajanja mandata.

Imenovana lica iz člana 1. Odluke (Općinski pravobranilac, zamjenik pravobranioca i savjetnici Načelnika), državni službenici i namještenici ostvaruju pravo na plaću danom postavljenja, odnosno raspoređivanja.

Plaća se obračunava i isplaćuje za prethodni mjesec u skladu sa Zakonom i ovom Odlukom.

Plaća iz prethodnog stava se utvrđuje rješenjem koje donosi rukovodilac organa po službenoj dužnosti.

- Plaće pripravnika

Član 7.

Plaća pripravnika visoke, više i srednje stručne spreme iznosi:

- Za visoku stručnu spremu u iznosu od 80% od početne osnovne plaće utvrđene za radno mjesto stručnog saradnika,
- Za višu stručnu spremu u iznosu od 80% od početne osnovne plaće utvrđene za radno mjesto samostalnog referenta i
- Za srednju stručnu spremu u iznosu od 80% od početne osnovne plaće utvrđene za radno mjesto referenta.

Početna osnovna plaća iz prethodnog stava predstavlja iznos plaće odgovarajućeg radnog mjesta bez dijela plaće po osnovu penzijskog staža.

III – KOEFICIJENTI PLATNIH RAZREDA

Član 8.

Izabrana i imenovana lica razvrstavaju se u četiri platna razreda i za svaki platni razred se utvrđuju koeficijenti za obračun plaća u slijedećim vrijednostima:

Platni razred	Radno mjesto	Koeficijent
I	Načelnik Općine	9,80
II	- Savjetnik Načelnika - Predsjedavajući Vijeća	7,00
III	- Općinski pravobranilac	6,40
IV	Zamjenik pravobranilaca	5,70

Član 9.

Rukovodeći i ostali državni službenici razvrstavaju se u osam platnih razreda i za svaki platni razred se utvrđuju koeficijenti za obračun plaća u sljedećim vrijednostima:

Platni razred	Radno mjesto	Koeficijent
I	Sekretar Općine	6,50
II	Pomoćnici Načelnika, direktori službi i Uprave	6,20
III	Interni revizor	5,70
IV	Šef unutrašnje organizacije jedinice Glavni inspektor Komandant Vatrogasne jedinice	5,20
V	Općinski inspektor	4,30
VI	Stručni savjetnik	4,10
VII	Viši stručni saradnik	3,90
VIII	Stručni saradnik	3,70

Član 10.

Namještenici se razvrstavaju u sedam platnih razreda i za svaki platni razred se utvrđuju koeficijenti za obračun plaća u slijedećim vrijednostima:

Platni razred	Radno mjesto	Koeficijent
I	Šef unutrašnje organizacije jedinice (VŠS)	3,20
II	Viši samostalni referent (VŠS)	3,10
III	Samostalni referent (VŠS)	3,00
IV	Šef unutrašnje organizacije jedinice (SSS)	2,80
V	Viši referent (SSS) i VKV radnik	2,70
VI	Referent (SSS) i KV radnik III i IV stepena	2,60
VII	Pomoćni radnik i nekvalifikovani radnik (NK)	1,85

IV – DODACI NA PLAĆU I NAKNADE PLAĆE

Član 11.

Zaposlenici imaju pravo na dodatke na plaću i naknade plaće koji su utvrđeni zakonskim odredbama (dodatak po osnovu posebnih uslova rada, prekovremenog rada, rada noću, u neradne dane i dane državnih praznika), pravo na naknadu plaće za vrijeme odsustva s posla (godišnji odmor, porodiljsko odsustvo, privremena spriječenost za rad), kao i pravo na naknade za topli obrok, regres, službeno putovanje, prevoz na posao i s posla, za slučaj povrede na radu, teške bolesti i invalidnosti, smrti, te pravo na otpremninu, za rad u komisijama i u slučaju prekobrojnosti.

Član 12.

Dodaci na plaće iz člana 11. se obračunavaju na osnovnu plaću, bez dijela plaće po osnovu radnog staža, i čine sastavni dio plaće.

Dodaci na plaće iz prethodnog stava međusobno se ne isključuju.

- Postupak za ostvarivanje prava na naknade

Član 13.

Postupak ostvarivanja prava na dodatke na plaću i naknade plaća, kao i visinu tih naknada utvrđuje Načelnik Općine pravilnikom, u skladu sa odredbama Zakona, uredbe Vlade Federacije, Pravilnikom o unu-

trašnoj organizaciji općinske uprave, i uz konsultacije sa Sindikatom.

- Stimulativni dodatak na plaću po osnovu vanredno povećanog obima posla

Član 14.

U slučaju vanredno povećanog obima posla na pojedinim radnim mjestima u okviru određene općinske službe, Načelnik Općine može svojim aktom da utvrdi stimulativni dodatak u visini do 30 % od osnovne plaće zaposleniku na tom radnom mjestu.

V - PRELAZNE I ZAVRŠNE ODREDBE

Član 15.

Načelnik Općine će donijeti Pravilnik o plaćama, naknadama i drugim primanjima zaposlenika u skladu sa ovom Odlukom, do početka primjene Odluke, tj. do 1.03.2014. godine.

Ovlašćuje se Načelnik Općine da po ukazanoj potrebi može donositi uputstva za primjenu pojedinih odredbi ove Odluke.

Član 16.

Danom početka primjene ove Odluke prestaje da važi Odluka o utvrđivanju platnih razreda i koeficijentata za plaće u općinskim organima uprave, stručnim i drugim službama Općine Zenica („Službene novine općine Zenica”, broj: 2/07 i 6/07).

Član 17.

Ova Odluka stupa na snagu danom objavljivanja u „Službenim novinama općine Zenica“, a primjenjivat će se od 1.03.2014. godine, tj. počev od obračuna plaće za mjesec februar 2014. godine.

Broj: 01- 14-22660/13

Datum: 26.12.2013. godine

**PREDSJEDAVALAČI
VIJEĆA OPĆINE ZENICA
Nebojša Nikolić, s.r.**

86.

Na osnovu člana 17. stav 6. Zakona o uzurpacijama („Sl. Novine SR BiH“, br: 6/78) i člana 22. Statuta općine Zenica («Službene novine općine Zenica», broj: 4/08), Vijeće općine Zenica, na prijedlog Komisije za povlačenje granične linije između šuma i šumskog zemljišta s jedne strane i poljoprivrednog zemljišta s druge strane, za katastarsku općinu Crkvice formiranu rješenjem Načelnika općine Zenica br: 02-49-18867/11 od 12.10.2011. godine (u daljem tekstu Komisija), na svojoj 13. sjednici održanoj 26. decembra 2013. godine, donijelo je

ODLUKU

o utvrđivanju graničnih linija između šuma i šumskog zemljišta s jedne strane i poljoprivrednog zemljišta s druge strane, za katastarsku općinu Crkvice

Član 1.

Utvrđuje se da je granična linija između šuma i šumskog zemljišta s jedne strane i poljoprivrednog zemljišta s druge strane, za katastarsku općinu Crkvice, opisno određena u „Službenim novinama opštine Zenica i Busovača“, br: 15/78, ali bez ucrtavanja linije na kartama.

Član 2.

Utvrđuje se da je Komisija, na planovima novog i starog premjera, izvršila ucrtavanje granične linije između šuma i šumskog zemljišta s jedne strane i poljoprivrednog zemljišta s druge strane, za katastarsku općinu Crkvice, opisno određenu u „Službenim novinama opštine Zenica i Busovača“, br: 15/78.

Član 3.

Sastavni dio ove odluke je skica sa ucrtanim granicama poljoprivrednog i šumskog zemljišta koja je deponovana u Katastru nekretnina općine Zenica.

Član 4.

Ova odluka stupa na snagu osmog dana od dana objavljivanja u „Službenim. novinama općine Zenica“.

Broj: 01- 01-22658/13

Zenica, 26.12.2013. godine

**PREDSJEDAVALAČI
VIJEĆA OPĆINE ZENICA
Nebojša Nikolić, s.r.**

87.

Na osnovu člana 69. Statuta općine Zenica («Službene novine općine Zenica», broj: 4/08) i člana 5. Odluke o raspisivanju izbora za savjete mjesnih zajednica, Vijeće općine Zenica na 13. sjednici održanoj dana 26. decembra 2013. godine, donosi

RJEŠENJE
o imenovanju članova radnih predsjedništava
za provođenje izbora za savjete mjesnih zajednica

I

Ovim rješenjem se imenuju članovi radnih predsjedništava za provođenje izbora za savjete MZ u sljedećim terminima, mjesnim zajednicama i u sastavu kako slijedi:

03.02.2014 g.	Radno predsjedništvo	04.02.2014g.	Radno predsjedništvo
1. BRIZNIK	ARNAUT MIDHAT ČOSIĆ EKREM HAMZIĆ DŽEVAD	1. DONJE BABINO	ARNAUT MIDHAT PEHLIĆ IZET SINANOVIĆ ADEL
2. DONJA GRAČANICA	SKOMORAC IDRIZ BEGANOVIĆ- ISAKOVIĆ SEDŽIDA ČIZMO MIRSAD	2. GORNJA GRAČANICA	SKOMORAC IDRIZ GULAMIĆ VAHID MUJIĆ ŠEMSO
3. GORNJA ZENICA	BABAJIĆ RABINA MANGIĆ ABDULAH ČIVIĆ MIRSAD	3. VRAŽALE	BABAJIĆ RABINA NIKOLIĆ NEBOJŠA MUSIĆ SALKO
4. GRADIŠĆE	ŠANTIĆ ŽELJKO DIZDAREVIĆ IBRAHIM FEJZIĆ EDHEM	4. BANLOZI	ŠANTIĆ ŽELJKO AHMETSPAHIĆ NAIDIN ČOLAKOVIĆ SULJO
5. MOŠĆANICA	IMAMOVIĆ FAHIR SKOMORAC RASIM KELEŠTURA MENSUD	5. GORICA	IMAMOVIĆ FAHIR KARAHASANOVIĆ SELIM TUTMIĆ ŠEFIK

05.02.2014 g.	Radno predsjedništvo	06.02.2014 g	Radno predsjedništvo
1. BABINO	ARNAUT MIDHAT ČOSIĆ EKREM MEHIĆ MUAMER	1. ARNAUTI	ARNAUT MIDHAT SKOMORAC RASIM KELEŠTURA MENSUD
2. DONJA VRACA	SKOMORAC IDRIZ SULJIĆ -ČAUŠ DELILA ISAK RAMO	2. VRANDUK	SKOMORAC IDRIZ HUSEJNOVIĆ ALMINA MUJIĆ ŠEMSO
3. JANJAC	BABAJIĆ RABINA KOLAK ZDENKO TUFEKČIĆ EMINA	3. STRANJANI	BABAJIĆ RABINA DIZDAREVIĆ IBRAHIM KOLAK ZDENKO
4. BRODA	ŠANTIĆ ŽELJKO MUSLIĆ -HALILOVIĆ AMRA NIKOLIĆ NEBOJŠA	4. BRIST	ŠANTIĆ ŽELJKO PURIĆ ELVIR HRNKAŠ SLAVICA

05.02.2014 g.	Radno predsjedništvo	06.02.2014 g	Radno predsjedništvo
5. PUTOVIĆI-PUTOVIČKO POLJE	IMAMOVIĆ FAHIR HRUSTIĆ AMILA ČIZMO MIRSAĐ	5. CENTAR	IMAMOVIĆ FAHIR POJSKIĆ BELMA ĆIVIĆ MIRSAĐ

07.02.2014 g	Radno predsjedništvo	08.02.2014 g	Radno predsjedništvo
1. STARO RADA KOVO	ARNAUT MIDHAT BEGANOVIĆ-ISAKOVIĆ SEDŽIDA MANGIĆ ABDULAH	1. VARDA	ARNAUT MIDHAT KARAHASANOVIĆ SELIM SINANOVIĆ ADEL
2. BLATUŠA	SKOMORAC IDRIZ HRNKAŠ SLAVICA FEJZIĆ EDHEM	2. KOPRIVNA	SKOMORAC IDRIZ GULAMIĆ VAHID MUJIĆ ŠEMSO
3. MEOKUŠNICE	BABAJIĆ RABINA POJSKIĆ BELMA HAMZIĆ DŽEVAD	3. POJSKE	BABAJIĆ RABINA DIZDAREVIĆ IBRAHIM MEHIĆ MUAMER
4. TETOVO	ŠANTIĆ ŽELJKO AHMETSPAHIĆ NAIDIN TUTMIĆ ŠEFIK	4. ZMAJEVAC	ŠANTIĆ ŽELJKO TUFEKČIĆ EMINA ISAK RAMO
5. LONDŽA	IMAMOVIĆ FAHIR MUSLIĆ –HALILOVIĆ AMRA ČOLAKOVIĆ SULJO	5. NOVO RADA KOVO	IMAMOVIĆ FAHIR HRUSTIĆ AMILA PURIĆ ELVIR

09.02.2014 g	Radno predsjedništvo	10.02.2014 g.	Radno predsjedništvo
1. SEOCI	ARNAUT MIDHAT ISAK RAMO SKOMORAC RASIM	1. PUHOVAC	ARNAUT MIDHAT PEHLIĆ IZET HAMZIĆ DŽEVAD
2. GLADOVIĆI	SKOMORAC IDRIZ ČOLAKOVIĆ SULJO HUSEJNOVIĆ ALMINA	2. KOVANIĆI	SKOMORAC IDRIZ GULAMIĆ VAHID MUSIĆ SALKO
3. LOKVINE	BABAJIĆ RABINA ČOSIĆ EKREM ĆIVIĆ MIRSAĐ	3. JASTREBAC	ŠANTIĆ ŽELJKO KARAHASANOVIĆ SELIM TUTMIĆ ŠEFIK
4. PO DBREŽJE	ŠANTIĆ ŽELJKO KOLAK ZDENKO ČIZMO MIRSAĐ	4. JANJIĆI	BABAJIĆ RABINA TUFEKČIĆ EMINA KELEŠTURA MENSUD
5. KLOPČE	IMAMOVIĆ FAHIR AHMETSPAHIĆ NAIDIN FEJZIĆ EDHEM	5. PERIN HAN	IMAMOVIĆ FAHIR KOLAK ZDENKO HRUSTIĆ AMILA

11.02.2014 g.	Radno predsjedništvo	12.02.2014 g.	Radno predsjedništvo
1. CRKVICE	ARNAUT MIDHAT HRNKAŠ SLAVICA NIKOLIĆ NEBOJŠA	1. ODMUT	IMAMOVIĆ FAHIR MUSLIĆ-HALILOVIĆ AMRA FEJZIĆ EDHEM
2. JALIJA	SKOMORAC IDRIZ POJSKIĆ BELMA ČIVIĆ MIRSAĐ	2. LAŠVA	BABAJIĆ RABINA ČIZMO MIRSAĐ MUSIĆ SALKO
3. DRIVUŠA	BABAJIĆ RABINA PEHLIĆ IZET SULJIĆ- ČAUŠ DELILA	3. SEBUJA	ARNAUT MIDHAT SKOMORAC RASIM SINANOVIĆ ADEL
4. VUKOTIĆI	ŠANTIĆ ŽELJKO GULAMIĆ VAHID MUJIĆ ŠEMSO	4. PEPELARI	SKOMORAC IDRIZ KARAHASANOVIĆ SELIM TUTMIĆ ŠEFIK
		5. ŠERIĆI	ŠANTIĆ ŽELJKO HUSEJNOVIĆ ALMINA HAMZIĆ DŽEVAD

13.02.2014 g.	Radno predsjedništvo	14.02.2014 g.	Radno predsjedništvo
1. PEHARE	SKOMORAC IDRIZ BEGANOVIĆ -ISAKOVIĆ SEDŽIDA PURIĆ ELVIR	1. STARINA	ŠANTIĆ ŽELJKO AHMETSPAHIĆ NAIDIN ISAK RAMO
2. GORNJE CRKVICE	ARNAUT MIDHAT HRNKAŠ SLAVICA MUSIĆ SALKO	2. LUKOVO POLJE	IMAMOVIĆ FAHIR HRUSTIĆ AMILA PEHLIĆ IZET
3. VRSELJE	BABAJIĆ RABINA DIZDAREVIĆ IBRAHIM POJSKIĆ BELMA	3. RASPOTOČJE	BABAJIĆ RABINA MANGIĆ ABDULAH NIKOLIĆ NEBOJŠA
4. BISTRICA	IMAMOVIĆ FAHIR ČOSIĆ EKREM ČOLAKOVIĆ SULJO		
5. BISTRICAČAK	ŠANTIĆ ŽELJKO GULAMIĆ VAHID ISAK RAMO		

15.02.2014 g.	Radno predsjedništvo	16 .02.2014 g.	Radno predsjedništvo
1. ORAHOVICA	ŠANTIĆ ŽELJKO KARAHASANOVIĆ SELIM MEHIĆ MUAMER	1. NOVA ZENICA	SKOMORAC IDRIZ MUSLIĆ- HALILOVIĆ AMRA KELEŠTURA MENSUD
2. RADINOVIĆI	ARNAUT MIDHAT SKOMORAC RASIM SINANOVIĆ ADEL	2. DOBRILJENO	BABAJIĆ RABINA PEHLIĆ IZET FEJZIĆ EDHEM
3. TRGOVIŠĆE	BABAJIĆ RABINA ČIZMO MIRSAĐ MEHIĆ MUAMER	3. SEJMEN	ARNAUT MIDHAT PURIĆ ELVIR SULJIĆ- ČAUŠ DELILA

15.02.2014 g.	Radno predsjedništvo	16 .02.2014 g.	Radno predsjedništvo
4. RIČICE	SKOMORAC IDRIZ DIZDAREVIĆ IBRAHIM BEGANOVIĆ-ISAKOVIĆ SEDŽIDA	4. PIŠĆE	IMAMOVIĆ FAHIR TUFEKČIĆ EMINA HAMZIĆ DŽEVAD
		5.CARINA	ŠANTIĆ ŽELJKO HUSEJNOVIĆ ALMINA ČOLAKOVIĆ SULJO

17.02.2014 g.	Radno predsjedništvo	18.02.2014 g.	Radno predsjedništvo
1. TIŠINA	IMAMOVIĆ FAHIR ČOSIĆ EKREM ĆIVIĆ MIRSAD	1. NEMILA	ŠANTIĆ ŽELJKO MANGIĆ ABDULAH ČOLAKOVIĆ SULJO
2. TOPČIĆ POLJE	ŠANTIĆ ŽELJKO AHMETSPIHĆ NAIDIN MUJIĆ ŠEMSO	2. BILMIŠĆE	BABAJIĆ RABINA PURIĆ ELVIR HRUSTIĆ AMILA
3. ČAJDRAŠ - VJETRENICE	BABAJIĆ RABINA KOLAK ZDENKO MANGIĆ ABDULAH		
4. BILINO POLJE	SKOMORAC IDRIZ SULJIĆ -ČAUŠ DELILA KELEŠTURA MENSUD		

II

Vrijeme i mjesto održavanja zbora građana utvrdit će Stručna služba Vijeća i Načelnika u saradnji sa radnim predsjedništvom i mjesnom zajednicom.

III

U slučaju spriječenosti iz opravdanih razloga (bolest i sl.) pojedinih članova radnih predsjedništava, izvršiće se izmjene na način da predsjednici klubova vijećnika dostave Stručnoj službi Vijeća i Načelnika kandidata koji će zamijeniti njihovog predstavnika.

IV

Na osnovu ovog rješenja sačinjit će se pojedinačna rješenja koja će se uručiti imenovanim članovima radnih predsjedništava.

V

Ovo rješenje stupa na snagu danom donošenja i objavit će se u «Službenim novinama općine Zenica».

Broj: 01-01-21319-1/13

Zenica, 26. decembar 2013. godine

**PREDSJEDAVAJUĆI
VIJEĆA OPĆINE ZENICA
Nebojša Nikolić, s.r.**

NAČELNIK OPĆINE

88.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 34/03 i 65/13), člana 25. Zakona o ustanovama („Službeni list Bosne i Hercegovine“, broj: 6/92, 8/93 i 13/94) i člana 36. tačka 5. i 6. Statuta općine Zenica („Službene novine općine Zenica“, broj: 4/08) Načelnik općine Zenica, donosi

R J E Š E N J E

**o imenovanju predsjednika i članova
privremenog Upravnog odbora
JU „Dom za stara lica“ Zenica**

I

Za predsjednika i članove privremenog Upravnog odbora JU „Dom za stara lica“ Zenica imenuju se:

1. Fatima Bašić, dr. medicine, predsjednica,
2. Senaid Šabanović, dipl.ecc, član,
3. Bernada Mujkanović, VŠS medicinska sestra, članica,

II

Privremeni Upravni odbor Ustanove iz člana I ovog rješenja imenuje se na period od 60 dana, a najkasnije do okončanja postupka kojim će se izvršiti konačno imenovanje predsjednika i članova Upravnog odbora Ustanove u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 34/03 i 65/13) i Zaključkom o standardima i kriterijima za imenovanja u reguliranim tijelima općine Zenica („Službene novine općine Zenica“, broj: 6/03).

III

Ovo rješenje stupa na snagu danom donošenja i objavit će se u „Službenim novinama općine Zenica“.

Broj: 02-14-21545/13

Zenica, 02. decembar 2013. godine

**NAČELNIK OPĆINE
Husejin Smajlović, s.r.**

89.

Na osnovu člana 10. tačka 4. Zakona o udruženjima i fondacijama („Službene novine FBiH“, broj: 45/02) i člana 36. tačka 19. Statuta općine Zenica („Službene novine općine Zenica“, broj: 4/08), Načelnik općine Zenica, donosi

ZAKLJUČAK

**o odobravanju unošenja naziva općine
Zenica u naziv udruženja**

I

Udruženju „Zenicalife“ iz Zenice, odobrava se unošenje u naziv udruženja i medijskog portala naziva općine „Zenica“.

II

Ovaj zaključak stupa na snagu danom donošenja, a objavit će se u „Službenim novinama općine Zenica“.

Broj: 02- 49-20723/13

Zenica, 02. 11. 2013. godine

**NAČELNIK OPĆINE
Husejin Smajlović, s.r.**

90.

Na osnovu člana 117. Statuta Općine Zenica („Službene novine općine Zenica“, broj: 4/08), a u skladu sa Ugovorom o saradnji zaključenim dana 02.12.2013. godine, između Općine Zenica i Međunarodne finansijske korporacije iz Grupacije Svjetske banke (International Finance Corporation – IFC), Načelnik općine Zenica donosi

ZAKLJUČAK

**o provođenju regulatorne
reformе na lokalnom nivou**

I

U skladu sa obavezama preuzetim potpisivanjem Ugovora o saradnji između Općine Zenica i Međunarodne finansijske korporacije iz Grupacije Svjetske banke (International Finance Corporation – IFC), Općina Zenica prihvata obavezu provođenja regulatorne reforme na lokalnom nivou.

II

Općina Zenica će provesti reformu administrativnih

postupaka koje u svom radu primjenjuje administracija Općine.

III

Općina Zenica će, u periodu nakon usvajanja preporuka za unapređenje administrativnih postupaka, usvojiti, izmjeniti ili dopuniti sve općinske propise čije usvajanje, izmjena ili dopuna budu preduslov za implementaciju usvojenih preporuka za unapređenje administrativnih postupaka.

IV

Općina Zenica će izraditi i uspostaviti Registar administrativnih postupaka koji su u nadležnosti Općine.

V

Administrativni postupak predstavlja postupak rješavanja predmeta od momenta podnošenja zahtjeva trećeg lica do momenta odlučivanja, tj. odgovora općinske organizacione jedinice (službe), a u cilju sprovođenja općinskog propisa ili propisa višeg organa vlasti (zakona, podzakonskog akta).

Administrativni postupak također može biti procedura prijavljivanja za izdavanje licence, dozvole, saglasnosti, odobrenja, rješenja, autorizacije, ovlaštenja, certifikacije, obavještenja, statističko istraživanje i sl. U širem smislu, administrativni postupak predstavlja proces koji podrazumijeva: podnošenje zahtjeva od strane fizičkog/pravnog lica nadležnoj općinskoj službi; sprovođenje procedure po podnesenom zahtjevu i dobijanje odgovora općinske službe po predatom zahtjevu.

VI

Ovaj zaključak stupa na snagu danom donošenja a objaviće se u Službenim novinama općine Zenica.

Broj:01-14-21442/13-1
Zenica, 02.12.2013. godine

NAČELNIK OPĆINE
Husejin Smajlović, s.r.

91.

Na osnovu člana 36. tačka 5. Statuta općine Zenica („Službene novine općine Zenica“, br: 4/08), člana 17. i 20. Statuta Javnog preduzeća „Gradsko groblje“ d.o.o. Zenica („Službene novine općine Zenica“, broj:6/08), a u vezi sa članom 6. Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05, 81/08, 22/09 i 109/12),
Načelnik općine Zenica, d o n o s i

ZAKLJUČAK

o davanju saglasnosti na izmjenu i dopunu Cjenovnika pogrebnih usluga

I

Daje se saglasnost na izmjenu i dopunu Cjenovnika pogrebnih usluga broj: 686/10 od 20.04.2010. godine koji je utvrdio Nadzorni odbor JP „Gradsko groblje“ d.o.o. Zenica, na VI sjednici održanoj dana 24.10.2013. godine. Izmjena i dopuna Cjenovnika pogrebnih usluga čini sastavni dio ovog zaključka.

II

Za realizaciju ovog zaključka zadužuje se menadžment Javnog preduzeća „Gradsko groblje“ d.o.o. Zenica.

III

Ovaj zaključak stupa na snagu danom donošenja, a objavit će se u „Službenim novinama općine Zenica“.

Broj: 02-49-19497/13
Zenica, 25.12.2013. godine

NAČELNIK OPĆINE
Husejin Smajlović, s.r.

JP "Gradsko groblje" d.o.o. Zenica

Izmjena i dopuna Cjenovnika pogrebnih usluga broj 686/10 od 20.04.2010. godine

U tabeli Cjenovnika pogrebnih usluga broj: 686/10 od 20.04.2010.god. sa urađenim izmjenama broj: 02-14-10410/11 od 14.06.2011. god. predlažu se izmjene cijena usluga navedenih u tabeli:

Red br.	Naziv usluge	Nove cijene	
		Cijena bez PDV-a	Cijena sa PDV-om
1	Izlazak referenta za obilježavanje lokacije ukopnog mjesta za djecu od 1-10 godina	8,55	10,00
2	Izlazak referenta za obilježavanje lokacije ukopnog mjesta za odrasle osobe	17,09	20,00
3	Lokacija ukopnog mjesta za odrasle osobe	300,00	351,00
4	Produbljivanje ukopnog mjesta	100,00	117,00
5	Kupanje i opremanje umrlog - raskomadano stanje	120,00	140,40
6	Kupanje i opremanje umrlog - raspadajuće stanje	150,00	175,50
7	Skidanje i vraćanje pokrivne ploče debljine preko 5 [cm]	80,00	93,60
8	PREUZIMANJE TIJELA OD DRUGOG LICA	20,00	23,40
9	Rezervacija ukopnog mjesta	450,00	526,50
10	Cijena prve obnove rezervacije	337,52	394,90
11	Cijena druge obnove rezervacije	225,00	263,25
12	Cijena treće obnove rezervacije	112,52	131,65
13	Taksa za ubod nišana, križa, krsta i sl.	40,00	46,80
14	Taksa za jednostruki spomenik za odrasle	180,00	210,60
15	Taksa za dvostruki spomenik za odrasle	300,00	351,00
16	Taksa za ukopno mjesto za odrasle (godišnje)	20,00	23,40
17	Lahka ekshumacija beba	150,00	175,50
18	Lahka ekshumacija djece	250,00	292,50
19	Lahka ekshumacija odraslih osoba	350,00	409,50
20	Teška ekshumacija beba	200,00	234,00
21	Teška ekshumacija djece	300,00	351,00
22	Teška ekshumacija odraslih osoba	450,00	526,50

Broj:
Zenica, 30.10.2013. god.

**Predsjednik NO JP "Gradsko groblje":
Azira Kadušić, s.r.**

92.

Na osnovu člana 33. Zakona o budžetima u FBH ("Službene novine Federacije BiH", broj: 19/06; 76/08; 5/09; 32/09; 51/09; 9/10; 36/10, 45/10 i 25/12) i člana 23. Odluke o izvršenju budžeta općine Zenica za 2013. godinu („Službene novine općine Zenica“, broj: 3/13), na zahtjev Službe za ekonomske odnose i poduzetništvo, Načelnik općine Zenica d o n o s i

ZAKLJUČAK

o prestrukturiranju rashoda u Budžetu općine Zenica za 2013. godinu

I

Odobrava se prestrukturiranje rashoda budžeta općine Zenica za 2013. godinu na organizacionom kodu 13010001-Služba za ekonomske odnose i poduzetništvo.

II

Prestrukturiranje rashoda iz tačke I vrši se na slijedeći način:

Umanjuje se

- ekonomski kod 821600, budžetska pozicija 65 - Rekonstrukcija i investiciono održavanje u iznosu od 14.000,00 KM

Povećava se

- ekonomski kod 614400, budžetska pozicija 62 - Transferi za podsticaj razvoja poduzetništva i obrta (finansiranje agencije ZEDA i REZ) u iznosu od 10.000,00 KM
- ekonomski kod 821500, budžetska pozicija 64 - Nabavka stalnih sredstava u obliku prava, u iznosu od 4.000,00 KM

II

Za realizaciju Zaključka zadužuju se Služba za budžet i finansije i Služba za ekonomske odnose i poduzetništvo.

III

Zaključak stupa na snagu danom donošenja, a objavit će se u „Službenim novinama općine Zenica“.

Broj: 02-14-22104/13
Zenica, 16.12.2013. godine

NAČELNIK OPĆINE
Husejin Smajlović, s.r.

93.

Na osnovu člana 34. Zakona o budžetima u FBiH ("Službene novine FBiH" broj: 19/06, 76/08, 5/09, 32/09, 51/09, 9/10, 36/10, 45/10 i 25/12), člana 36. i 117. Statuta općine Zenica ("Službene novine općine Zenica" broj: 4/08) i člana 21. Odluke o izvršavanju budžeta Općine Zenica za 2013. godinu ("Službene novine općine Zenica" broj: 3/13), na prijedlog Službe za budžet i finansije i Stručne službe Vijeća i Načelnika, Načelnik općine Zenica donosi

ZAKLJUČAK

o odobravanju izdvajanja sredstava iz tekuće budžetske rezerve

I

Odobrava se izdvajanje novčanih sredstava iz Budžeta općine Zenica za 2013. godinu Stručnoj službi Vijeća i Načelnika u iznosu od 25.868,70 KM, u svrhu pokrivanja troškova nastalih povodom aktivnosti Popisa stanovništva, domaćinstava i stanova održanog u periodu 01.10.-15.10.2013. godine.

II

Sredstva iz tačke I izdvajaju se iz "Tekuće budžetske rezerve" Budžeta općine Zenica za 2013. godinu, a na ime pokrivanja rashoda na ekonomskim kodovima u zavisnosti od vrste troškova. Odlukama Općinske komisije za popis utvrdit će se vrste troškova i ekonomski kod.

III

Za realizaciju ovog Zaključka zadužuje se Stručna služba Vijeća i Načelnika i Služba za budžet i finansije.

IV

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-22680/13
Zenica, 30.12.2013. god.

NAČELNIK OPĆINE
Husejin Smajlović, s.r.

94.

Na osnovu člana 36. tačka 6. Statuta općine Zenica ("Službene novine općine Zenica" broj: 4/08) i člana 20. Odluke o izvršavanju Budžeta općine Zenica za 2013. godinu ("Službene novine općine Zenica" broj: 3/13), a na prijedlog Službe za budžet i finansije, Načelnik općine Zenica donosi

ZAKLJUČAK

o uvećanju sredstava

u Budžetu općine Zenica za 2013. godinu

I

Odobrava se uvećanje sredstava u Budžetu općine Zenica za 2013. godinu ("Službene novine općine Zenica" broj: 3/13) u iznosu od 97.529,85 KM na organizacijskom kodu 16010001 – Služba za komunalne poslove i ekologiju.

II

Uvećanje sredstava u Budžetu općine Zenica za 2013. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
- otvara se nova budžetska pozicija 82A - "Primljeni kapitalni transferi od kantona (vodovodna i kanalizaciona mreža)", ekonomski kod 812214, u iznosu od 97.529,85 KM.

Nakon uvećanja UKUPNO PRIHODI BUDŽETA OPĆINE iznose 47.099.829,85 KM.

- b) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:
- na organizacijskom kodu 16010001 - Služba za komunalne poslove i ekologiju, budžetska pozicija 115 - "Rekonstrukcija i investiciono održavanje – vodovodna i kanalizaciona mreža", ekonomski kod 821600, uvećava se za iznos od 97.529,85 KM.

Nakon uvećanja UKUPNO RASHODI BUDŽETA iznose 47.099.829,85 KM.

III

Sredstva u iznosu od 97.529,85 KM utrošit će u cilju realizacije Programa utroška sredstava vodnih naknada za 2013. godinu, i to:

- iznos od 73.602,36 KM utrošit će se u skladu sa Ugovorom, broj: 02-14-12004/13-4 od 26.09.2013. godine, za izvođenje radova na djelimičnoj regulaciji rijeke Kočeve kod osnovne škole u MZ Lokvine po prvoj privremenoj situaciji izvođača radova "ŠPIC BETON" d.o.o Zenica, broj: 131-13/R od 06.11.2013. godine, i
- iznos od 23.927,49 KM utrošit će se u skladu sa Ugovorom, broj: 02-14-12004/13-6 od 26.09.2013. godine, za izgradnju kanalizacije Gnjusi u MZ Raspotočje po prvoj privremenoj situaciji izvođača radova "TKM" d.o.o Zenica, broj: I-23-11/13 od 11.11.2013. godine.

IV

Za realizaciju ovog Zaključka zadužuju se Služba za komunalne poslove i ekologiju i Služba za budžet i finansije.

V

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-21989/13
Zenica, 12.12.2013. god.

NAČELNIK OPĆINE
Husejin Smajlović, s.r.

95.

Na osnovu člana 33. Zakona o budžetima u FBiH ("Službene novine FBiH" broj: 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 23. Odluke o izvršavanju budžeta Općine Zenica za 2013. godinu ("Službene novine općine Zenica" broj: 3/13), na zahtjev Službe civilne zaštite, Načelnik općine Zenica donosi

ZAKLJUČAK

o prestrukturiranju rashoda u Budžetu općine Zenica za 2013. godinu

I

Odobrava se prestrukturiranje rashoda Budžeta općine Zenica za 2013. godinu na organizacionom kodu 12010001 – Služba civilne zaštite.

II

Prestrukturiranje rashoda iz tačke I vrši se na sljedeći način:

Umanjuje se:

- ekonomski kod 821200, budžetska pozicija 42 - "Nabavka građevina (izgradnja dispečerskog centra)" za iznos od 8.000,00 KM.

Povećava se:

- ekonomski kod 613700, budžetska pozicija 37 - "Izdaci za tekuće održavanje (prirodne i druge nesreće, preventivno i hitno)" za iznos od 2.000,00 KM i
- ekonomski kod 613900, budžetska pozicija 38 - "Ugovorene i druge posebne usluge" za iznos od 6.000,00 KM.

III

Za realizaciju ovog Zaključka zadužuju se Služba civilne zaštite i Služba za budžet i finansije.

IV

Ovaj Zaključak stupa na snagu danom donošenja, a objavit će se u "Službenim novinama općine Zenica".

Broj: 02-14-21931/13
Zenica, 12.12.2013. god.

NAČELNIK OPĆINE
Husejin Smajlović, s.r.

96.

Na osnovu člana 33. Zakona o budžetima u FBiH, („Službene novine F BiH“ broj: 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 23. Odluke o izvršavanju budžeta Općine Zenica za 2013. godinu („Službene novine općine Zenica“ broj: 3/13) na zahtjev Službe za zajedničke poslove, Načelnik općine Zenica donosi:

ZAKLJUČAK**o prestrukturiranju rashoda u Budžetu općine Zenica za 2013. godinu****I**

Odobrava se prestrukturiranje rashoda Budžeta općine Zenica za 2013. godinu na organizacionom kodu 21010001- Služba za zajedničke poslove

II

Prestrukturiranje rashoda iz tačke I vrši se na sljedeći način:

Umanjuje se :

- Ekonomski kod 613500, budžetska pozicija 237 - „Izdaci za usluge prijevoza i goriva“ za iznos od 1.700,00 KM;
- Ekonomski kod 821300, budžetska pozicija 242 - „Nabavka opreme za općinske organe“ za iznos od 2.000,00 KM

Povećava se :

- Ekonomski kod 611200, budžetska pozicija 233 - „Naknada troškova zaposlenih“, za iznos od 1.700,00 KM
- Ekonomski kod 613300, budžetska pozicija 235- „Izdaci za komunikaciju i komunalne usluge“, za iznos od 2.000,00 KM

III

Za realizaciju ovog Zaključka zadužuje se Služba za zajedničke poslove i Služba za budžet i finansije.

IV

Ovaj Zaključak stupa na snagu danom donošenja, a objavit će se u „Službenim novinama općine Zenica“.

Boj: 02-14-22516/13
Zenica, 23.12.2013. godine.

NAČELNIK OPĆINE
Husejin Smajlović, s.r.

97.

Na osnovu člana 33. Zakona o budžetima u FBiH, („Službene novine F BiH“ broj: 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 23. Odluke o izvršavanju budžeta Općine Zenica za 2013. godinu („Službene novine općine Zenica“ broj: 3/13), na zahtjev Službe za zajedničke poslove, Načelnik općine Zenica donosi:

ZAKLJUČAK**o prestrukturiranju rashoda u Budžetu općine Zenica za 2013. godinu****I**

Odobrava se prestrukturiranje rashoda Budžeta općine Zenica za 2013. godinu na organizacionom kodu 21010001- Služba za zajedničke poslove

II

Prestrukturiranje rashoda iz tačke I vrši se na sljedeći način:

Umanjuje se :

- Ekonomski kod 613500, budžetska pozicija 237 - „Izdaci za usluge prijevoza i goriva“ za iznos od 2.000,00 KM;
- Ekonomski kod 613800, budžetska pozicija 240 - „Izdaci osiguranja imovine i lica“ za iznos od 2.000,00 KM.

Povećava se :

- Ekonomski kod 613400, budžetska pozicija 236 - „Nabavka materijala i sitnog inventara“, za iznos od 4.000,00 KM

III

Za realizaciju ovog Zaključka zadužuje se Služba za zajedničke poslove i Služba za budžet i finansije.

IV

Ovaj Zaključak stupa na snagu danom donošenja i objavit će se u „Službenim novinama općine Zenica“.

Boj: 02-14-21416/13

Zenica, 02.12.2013. godine.

NAČELNIK OPĆINE
Husejin Smajlović, s.r.

SADRŽAJ

VIJEĆE OPĆINE

83. Odluka o privremenom finansiranju općine Zenica za period januar - mart 2014. godine	1
84. Odluka o subvencioniranju troškova grijanja	2
85. Odluka o plaćama i naknadama plaća zaposlenika općinskih organa Zenica.....	4
86. Odluka o utvrđivanju graničnih linija između šuma i šumskog zemljišta s jedne strane i poljoprivrednog zemljišta s druge strane, za katastarsku općinu Crkvice.....	7
87. Rješenje o imenovanju članova radnih predsjedništava za provođenje izbora za savjete mjesnih zajednica	8

NAČELNIK OPĆINE

88. Rješenje o imenovanju predsjednika i članova privremenog Upravnog odbora JU „Dom za stara lica“ Zenica.....	12
89. Zaključak o odobravanju unošenja naziva općine Zenica u naziv udruženja	12
90. Zaključak o provođenju regulatorne reforme na lokalnom nivou	12
91. Zaključak o davanju saglasnosti na izmjenu i dopunu Cjenovnika pogrebnih usluga	13
- Izmjena i dopuna Cjenovnika pogrebnih usluga broj 686/10 od 20.04.2010. godine	14
92. Zaključak o prestrukturiranju rashoda u Budžetu općine Zenica za 2013. godinu.....	15
93. Zaključak o odobravanju izdvajanja sredstava iz tekuće budžetske rezerve	15
94. Zaključak o uvećanju sredstava u Budžetu općine Zenica za 2013. godinu.....	16
95. Zaključak o prestrukturiranju rashoda u Budžetu općine Zenica za 2013. godinu.....	16
96. Zaključak o prestrukturiranju rashoda u Budžetu općine Zenica za 2013. godinu.....	17
97. Zaključak o prestrukturiranju rashoda u Budžetu općine Zenica za 2013. godinu.....	17